

Nukissiorfiit
2024-mut
ukiumoortumik
nalunaarummut
Kukkunersiuisut
oqaaseqaataat

Imarisaa

1.	Ukiumoortumik naatsorsuutit kukkundersiukkat	3
2.	Kukkundersiuinermut ingerlanneqartumut inerniliussaq	4
3.	Aningaasaqarnermik kukkundersiuiineq	5
4.	Inatsisit atuutsinneqarneran-nik aamma ingerlatsinermik kukkundersiuiineq	14
5.	Ingerlatsinermik kukkuner-siuiineq	20
6.	Ingerlatsinermik kukkuner-siainerit annertunerusut	24
7.	Paasissutissat allat	25
8.	Atsiornerit	26

1. Ukiumoortumik naatsorsuutit kukkundersiukkat

Suliffeqarfiup nammineertitap aqutsisuisa ukiumut naatsorsuuseriviusumut 2024-mut ukiumoortumik nalunaarusiaq saqqummiuppaat.

Ukiumoortumik nalunaarusiaq aqutsisut nalunaarutaannik aamma ukiumoortumik naatsorsuutininik imaqarput.

Deloitte Namminersorlutik Oqartussanut avataanit kukkundersiuisutut toqqakkatut ukiumoortumik nalunaarusiap kukkundersiorneqarneranik ingerlatsivoq inatsisit, malittarisassat ileqqussallu atuuttut naapertorlugit.

Ukiumoortumik naatsorsuutit – kukkundersiukkavut – kisitsisinik pingaarnernik imaattunik ersersitsipput:

	2024 t.kr.	2023 t.kr.
Angusat	(60.237)	(86.195)
Pigisat	3.074.813	3.081.541
Nammineq aningaasaatit	1.346.932	1.407.170

(-) assigaa amigartoorutit

Kukkundersiuiunerup siunertaa, annertussusia aamma ingerlanneqarnera, kukkundersuisup nalunaarutiginninnera kiisalu akisussaaffiit agguataarneqarnerat allallu Deloitte najoqqutassiaani "Nalinginnaasumik atugassarititaasut aamma piumasaqaatit" allassimapput.

Uagut isumaqatigiissutitut allatarput taakkununga ingerlaqqiffissanik imaqarpoq, aamma innersuussutigissavarput aqutsisunut ilaasortat tamarmik kukkundersiuiunerup siunertaanik, annertussusianik aamma ingerlanneqarneranik, kukkundersiuisup nalunaarutiginninneranik kiisalu akisussaaffiit agguataarsimanerannik allanillu ilisimasaqaleqqullugit.

2. Kukkuñersiuinermut ingerlanneqartumut inerniliussa

2.1. Kukkuñersiuissup uppersarsaana

Kukkuñersiuineq ingerlanneqartoq tunngavigalugu ukiumoortumik naatsorsuutit nangaassuteqarata, erseqqissaateqarata imaluunniit isorinninnermik oqaaseqaatinik ilanngussaqrata uppersarsaasarpavut.

Kukkuñersiuissup uppersarsaanaat ukiumoortumik nalunaarummi quppernermi 11-imippoq.

2.2. Kukkuñersiuissut oqaaseqaataat

Kukkuñersiuissut oqaaseqaammik saqqummiussisarpugut pissutsit ima pingaaruteqartigippata aamma/imaluunniit ima tunngavissaqartigippata, ingerlatsisut pissutsinik suliarinninnerisa politikkikkut aalajangiiffineqartariaqarnera naapertuuttut isigigaangatsigu.

Taamaattumik Kukkuñersiuissut oqaaseqaataat ingerlatsisunit immikkoortillugit akineqarnissaat naatsorsuutigineqartarpoq, oqaaseqaat soorluttaaq ingerlatsisut akissuteqaataat aamma iliuusissatut pilersaarut politikkikkut akuerineqartussatut kingorna saqqummiunneqassallutik.

Ukiumoortumik kukkuñersiuinermi malittarineqartarpoq ingerlatsisut iliuusissatut pilersaarutaat pissutsimik iluarsinersoq imaluunniit pissutsip ikiorserneqarnissaanut sulik ukkassisoqarnissaanik pisariaqartitsisoqarnersoq nakkutilliiffigiumallugu.

2.2.1. Ukiumoortumik kukkuñersiuinermut kukkuñersiuissut oqaaseqaataat

Ukiumoortumik kukkuñersiuineq Kukkuñersiuissut oqaaseqaateqarnissaanut tunngavissinngilaq, taamaallaat immikkoortuni tulluuttuni innersuussutini ataasiakkaanik saqqummiussisoqarpoq.

2.2.2. Ukiut siuliini Kukkuñersiuissut oqaaseqaataannut malitseqartitsineq

Ukiut siuliini kukkuñersiuissut oqaaseqaatinik saqqummiussinngillat.

3. Aningaasaqarnermik kukkunersiuineq

Aningaasaqarnermik kukkunersiuinerup imaraa Nukissiorfiit ukiumoortumik naatsorsuutaasa sutigut tamatigut eqqortumik saqqummiunneqarnerannik kukkunersiuineq, imaappoq Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. december 2017-meersoq naapertorlugu naatsorsuutit kukkunernik amigaatinillu pingaarutilinnik imaqaratik suliarineqartut.

3.1. Aallaqqaasiut

Kukkunersiuineq ingerlanneqarpoq nunatsinni kukkunersiuisoqarneq pillugu inatsit kiisalu nunani tamalaani aningaasaqarnermik kukkunersiuinermi malitassat naapertorlugit.

Suliffeqarfiup ukiumoortumik naatsorsuutai suliarineqarput Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. december 2017-meersoq naapertorlugu.

Nalunaarummi aalajangersarneqarpoq, ukiumoortumik nalunaarusiaq saqqummiunneqassasoq Kalaallit Nunaanni ukiumoortumik nalunaarusiortarneq pillugu peqqussut qaqugukkulluunniit atuuttoq naapertorlugu, suliffeqarfik Namminersorlutik Oqartussat pigisaattut inuiaqatigiinnik eqqarsaatiginnilluni ingerlanneqarnerata kingunerisaanik, nikingassutinut ilanngunneqassapput taakkununga aaqqiissutaasut immikkut inatsisit ilanngullugit.

Ukiumoortumik naatsorsuutitut inatsimmit aalajangersakkanit nikingassutit, ukiumoortumik naatsorsuutit naatsorsuuserineri periuseq atorneqartoq pillugu immikkoortumi allaaserineqarput.

3.2. Nammineq nakkutilliineq

Kukkunersiuineri ilanngunneqarput suliffeqarfiup nalunaarutiginninnermik aaqqiissuussai, suleriaatsitut atugai aamma nammineq nakkutilliinerata illersorneqarsinnaasumik atuuffeqarnerannik naliliinerit.

Tassunga siunertaavoq naatsorsuutit saqqummiussinnermut tunngavissat naatsorsuuserineri eqqortumik nalunaarsorneqarsimanerannik, uppersassuseqarnerannik piffissarlu eqqorlugu suliarineqarsimanerisa nakkutilliiffineqarnerat.

Aammattaaq suliffeqarfimmi suleriaatsit aamma nammineq nakkutilliinerit sukumiinerusut nuussinernut aamma naatsorsuutini inissitsitikkannut immikkut pingaarutilinnut atorneqartut naliliiffigaavut.

3.2.1. Suleriaatsit allaaserineqarnerat aamma nammineq nakkutilliinerit

Suleriaatsit pingaarnerit allaaserineqarput. Taakkua misilerarnerannik ingerlatsiffigaavut aamma uagut oqaaseqaativut aningaasaqarnermik suliaqartunut ingerlateqqippagut, ilanngullugu nutarterineq, pitsanngorsaaneq aamma allanngutsaaliuineq ingerlaavartumik suliassaasut oqaatigalugu.

Kukkunersiuinitsinni paasivarput nakkutilliinerit tamavimmik ingerlanneqarneq ajortut. Pingaartumik sulisunik taarsiisoqartillugu aamma sulisut nutaat nakkutilliinerit ingerlatsinissaat pillugit ilisimatinneqarneq ajorput. Kaammaattuutigissavarput nakkutilliinerit sorliit ingerlanneqartarnissaat pillugu nalunaarsuinerimik suliaqartoqaqqullugu. Tassunga ilanngullugu qaammatit kvartalillu tamaasa, ukiup affaa qaangiukkaangat imaluunniit naatsorsuutit naammassineqarneranni qaqugukkut nakkutilliisoqartassanersoq nalunaarsorneqaqqullugu.

3.2.2. Aqutsisut nakkutilliinerit tunulliussisinnanerannut aarlerinaateqarnera

Aqutsisut nakkutilliinerit tunulliussinerat kukkunersuisut najoqqutaat 240 naapertorlugu tamatigut aarlerinaataavoq pingaarutilik.

Kukkunersuisutut iliuutsinik ingerlatsivugut aqutsisut nakkutilliinerit tunulliussisinnanerannut ersiutaasinnaasut suussusersiniarlugit. Immikkoortumi matumani iliuuserisat aamma suliassaqaarfiit pingaartillugit misissorsimasavut allaaseraavut.

Aqutsisut nalinginnaasumik ima atorfeqartinneqartarput taakkununga peqquserluutininik ingerlatsisinnaneq periarfissaalluni, aqutsisut naatsorsuutitut atortussanik uukapaatitsisinnagaamik nakkutilliinerit tunulliussinik, taakkununga pitsaasumik ingerlasorinaraluartunik.

Tamanna aqutsisoqatigiit allallu peqatigalugit tamanna eqqartorparput. Naatsorsuutininik naliliinerni missiliuussinernilu kiffaanngissuseqarnerup amigaataasinnaanera eqqarsaatersuutigaarput, ilanngullugu naatsorsuutininik missiliuussinernik pingaarutilinnik misissuivugut, assersuutigalugu sanaartukkatut pigisat nalingannik inissiinerit misilinneqarnerannik, sulinngiffeqarnerisuiutissatut pisussaaffiit naatsorsorneqarnerat, eqqartuussivinni suliassat kingunerisinnasaannik suliaqarneq aamma aningaasartuutit piffissalersugaanerit.

Ukiumoortumik naatsorsuutit naammassineqarnerannut- aamma nalunaarutiginninnermut periutsit nammineq nakkutilliiffineqarnerat naliliiffigaavut. Taakkua saniatigut inissitsikkat aamma nuussinert annertuut nalinginnaanngitsut misilerarpavut.

Aarlerinaatinik naaperiaaniarluta ullup oqimaaqatigiissitsiffiup aamma naatsorsuutit naammassineqarfissaasa nalaanni inissitsikkat misilinneqarnerannik ingerlatsivugut, misilittakkanit ilisimagatsigu, nakkutilliinerit tunulliussisoqarnissaanut aarlerinaatit piffissami tassani ilimanaateqarnerusartut.

Nuussinernik annertuunik nalinginnaanngitsunik paasisaqanngilagut.

Suliamut tassunga atasumik ukiumoortumik nalunaarummi kukkunernik amigaatinillu suussusersisaqanngilagut.

Inassuteqaat

2024-mi suliffeqarfimmi nammineq nakkutilliinernik tamakkiisunik misissuinitinnut atasumik paasivarpur, Nukissiorfiit aamma naalakkersuisoqarfiup akornanni akuttoqatigiissaakkamik ataatsimeeqatigiittarnissaq pillugu najoqqutassanik aalajangersagaqartoq, tassungalu ilanngullugu assingusumik imaqarniliortarnissaq pillugu najoqqutassanik suliaqartoqarsimasoq.

Tamatuma saniatigut paasineqarpoq sulisoqarnermut aningaasartuutit, tamatumunnga ilanngullugit akissarsianik aamma akiligassanik aammalu akissarsianut inissitsitikkaniq illikartitanik aammalu feeriarneriutinik ukiup ingerlanerani kiisalu ukiup naammassinerani oqimaaqatigiittoqarsimanngitsaq. Tamatumunngalu pissutaavoq Xellentip aamma Lessorip akornanni inissitsitikkat tamarmik taamaallaat 2024-mut tunngasuunissaannik qulakkeerinninnissaq Nukissiorfinnit kissaatigineqarnera. 2024-ili aallartinnerani tamatuma aqqissuunneqarnera sulii unammillernartuuvoq, tamannalu kukkusumik naatsorsuutitut allattuisoqarneranik kinguneqarluni. Naligiissitsinissaq sulii unammilligassaqaartitsivoq. Tamannalu 2025-mi ukkatarineqaannassaaq.

Tamatumunnga ilassutitut kaammattuutigissavarpur qaammammoortumik ukiullu naammassinerani aalajangersimasumik suleriaasiortoqassasoq oqimaaqatigiissitsinermik angusallu naatsorsorneqarnerisa oqimaaqatigiissinneqarnerannik suliarinnittarnermut nalilersuisarnermullu tunngatillugu. Tamatumunngalu atatillugu maluginiarneqarpoq Nukissiorfiit Imperomik atulersitsinissaq aallartereersimagaat, siunertamut tamatumunnga compliance management platformiusoq.

Tassungalu ilanngullugu paasivarpur suliffeqarfik nakkutilliinernik pilersitsisimanngitsaq, ataasiakkaaniq imaluunniit ataatsimoortunik, aqutsisut ukiumoortumik naatsorsuutit aalajangersimasumik angusaqarfiunissannut piaarluni inissitsiterisinnaaneranunat aarlerinaatinut aaqqiissutaasinnaasunik.

Nakkutilliinerit amigaateqarnerisa kingunerisaanik qullersat ukiumoortumik nalunaarummiq suliffeqarfiup pigisaanunat, akiligassaanunat aningaasaqarnikkullu inissisimaneranunat aammalu piffissamut angusanunat tunngatillugu eqqortumik takutitsinngitsumik saqqummiussisinnaanerisa aarlerinaateqarneranik annertunerulersitsivoq.

Inassutigissavarpur qaammatit matunerinut tamanut atatillugu inissitsiterinerit tamaasa inissitsiterisuunngitsumit(nit) misissorneqartassasut, inissitsiterinerup qanoq ittuuneranik atorsinnaaneraniq nalilersuinissaq siunertaralugu.

Aammattaaq inassutigissavarpur ukiumoortumik matusinerni tamani inissitsiterinerit aamma inissitsiterineri/ atorunnaarsitsinerit allat ileqquusumik ukiumoortumik matusinerup kingorna ingerlanneqartut inissitsiterisuunngitsumit(nit) misissorneqartassasut, inissitsiterinerup/atorunnaarsitsinerup atorsinnaanerata nalilersuiffigineqarnissaa siunertaralugu.

2025-mi ukiumoortumik kukkunersiuinermut atatillugu qulaani allaaserineqartumut malitseqartitsiniarpugut.

3.2.3. Peqquserluttoqarsinnaananut aarlerinaatit

Uagut kukkunersiuinitsinnik pilersarusiornermut atasumik suliffeqarfimmi aqutsisunut peqquserluttoqarsinnaananut aarlerinaatit pillugit naliliinerat apeqqutigaarput,.

Aqutsisut uagutsinnut ilisimatitsipput, aqutsisut naliliinerat naapertorlugu peqquserluuteqarnissaanut aarlerinaatit annertuallaanngitsut, aamma suliffeqarfimmi nakkutilliinermik suliassaqaarfik pitsaasuusoq, ukiumoortumik naatsorsuutini annertuumik kukkusumik paasissutissiinissamut aarlerinaammik qulaarsisinnaallutik, tassunga ilanngullugit naatsorsuutini uukapaatitsinerup imaluunniit suliffeqarfiup pigisaanik atornerluinerup kinguneranik paasissutissanik kukkusunik qulaarsisinnaaneq.

Aqutsisut peqquserluutini ilisimasaqanngillat imaluunniit peqquserluttoqarsimasinnaanera pillugu misissuinernik ingerlasoqarneranik ilisimasaqanngillat.

Oqaatigissavarput, kukkunersiuinita nalaani peqquserluttoqarsimanera pissutigalugu ukiumoortumik naatsorsuutini kukkunernik naammattuugaqannginnatta.

3.2.4. Nammineq nakkutilliinermik naliliineq

Naliliinerput naapertorlugu suliffeqarfimmi nammineq nakkutilliineq nammineerluni nakkutilliinernik pitsaasunik ingerlatsinerput iluaqutaasoq pigineqarpoq aamma paasissutissanik naatsorsuuserinerput tunggassuteqartunik suliarinninnermut uppernassusilimmik ingerlatsisinnaanermut.

Nukissiorfiit ERP-systemimik nutaamik atulersitsisussanngornerat paasivarput. Tamatumunngalu atatillugu kaammattuutigissavarput suliffeqarfiup nammineq nakkutilliinermut aqqissuussinera nalilersuiffigeqqinneqassasoq pitsanngorsarneqarlunilu, tamatumunnga ilanngullugu ERP-systemip nutaap nammineq pisartumik nakkutilliinermut periarfissaqartitsinera sapinngisamik annertunerpaamik atorluarneqartussanngorlugu.

3.3. IT-mik nakkutilliinerit nalinginnaasut

IT-mik nakkutilliinerit nalinginnaasut tassaapput nakkutilliissutit aqutsisunit pilersinneqarsimasut suliffeqarfimmi IT atorlugu sulianik ingerlatsivinni pingaarnerusuni atorneqartut, IT-mik atugaarneq pitsaasumik nakkutigineqartoq isumannaatsorlu siunertaasinnaaqqullugu, aamma taamaattumik suleriaatsit IT-mik tunngaveqartut paasissutissartaasa uppernassuseqarnerannut tapertaasut.

Nukissiorfiit kukkunersiorneqarnerannut atasumik IT-mik nakkutilliissutit nalinginnaasut toqqakkat ilusilersorneqarnerat aamma atuutsinneqarnerat naliliiffigaarput, taakkua ukiumoortumik nalunaa-rummik saqqummiussinermut naapertuuttutut nalilikavut, kukkunernik pingaarutilinnik eqqortumilli aamma inatsisitigut piumasaqaataasut naapertorlugit saqqummiussinissamut naammassinnittut. Nakkutilliissutit nakkutilliinermik ingerlatsinerisa pitsaassusiat misileranngilarput.

Kukkunersiuinerup ataatsimoortup ilaatigut tunngavigisarpaa suliffeqarfimmi nammineq nakkutilliinerit naapertuuttut atugaasut, ilanngullugit assaannarmik nakkutilliinerit aamma atuisunut aqutsissutit suliffeqarfimmi atorneqartut nammineq isumagisumik nakkutilliinerisa nakkutilliiffigineqarnerat.

IT-mik nakkutilliissutit nalinginnaasut misissorneqarneranni, atuisunut aaqqissuussani ataasiakkaani nakkutilliinerup- aamma isumannaallisaanerup pitsaassusiat nalilerneqanngillat, tassunga ilanngullugit allaffissornermik ingerlatsinerimi ingerlatseriaatsini aamma atuisunut aaqqissuussani ingerlatsinerimik sulianik suliaqarsinnaanermut isissutinik nammineq isumagisumik nakkutilliissutit. Aammattaaq oqaatigineqassaaq nakkutilliissutit pitsaassusiannik uppersaanissamik siunertaqarluni kukkunersiuinerimik ingerlatsisoqanngimmat.

Uagut misissuinerput tunngavigalugu naliliivugut Nukissiorfinni IT-mik nakkutilliissutit nalinginnaasut toqqakkat sutigut tamatigut naapertuuttumik ilusilersorneqarsimasut atuutsinneqartullu.

3.4. Aningaasaqarnermik kukkunersiuinermit immikkoortut pingaarutillit

Kukkunersiuinerimut atasumik immikkoortut pingaarutillit tulluuttut pillugit suliffeqarfimmik oqaloqatiginnippugut:

3.4.1. Sanaartukkat nalingannik inissiineq

Naatsorsuutit pillugit malittarisassat naapertorlugit sanaartukkatut pigisat nalingannik nalikilliliisoqassaaq ima kinguneqartumik, nalikilliliinerit kingorna nali sinneruttoq isertitat ilaanni pilersinneqarsinnaassalluni.

2024-mi nalikilliliinerimut misiliummik ingerlatsinerup kingorna ilaatigereerlugit 119,4 mio. kr. aaqqiisoqarpoq. (2023: 141 mio. kr.)

Pigiunnaakkat nalikilliliinerillu katillutik 256,7 mio.kr.-inik naleqarput (2023: 270,5 mio. kr.-it)

Pigiunnaakkat siusinnerusukkat nalikilliliinerit eqqarsaatiginagit ingerlanneqarsimappata, taava 240 mio. kr.-inik naleqarsimassagalarput.

3.4.1.1. Naatsorsueriaaseq

Nalikilliliinissamut pisariaqartitsinerimik naatsorsueriaaseq inoqarfinnit inoqarfinnut suliarineqarpoq innaallagialaq, imeq aamma kiassarneq eqqarsaatigalugit.

Inoqarfimmit inoqarfinnut naatsorsueriaaseq atorlugu naatsorsuisoqartarpoq sanaartukkatut pigisat najukkami uninngasut pineqarnerat pissutigalugu.

Naatsorsuineq ingerlanneqartarpoq piffissaq ukiunut pingasunut kingumoortillugu pigisamut ataatsimut aningaasartuutitut naatsorsorneqartut pigisamik ataatsimik tunisinermi akinut pisariunngitsumik sanilliunneqarnerisigut.

Taamaaliornermi pigiunnaakkat tunisinermi akinit matussutissaqarpata, nalikilliliinernik ingerlat-sisoqartanngilaq. Pigiunnaakkat tunisinermi akinit matussuserneqarsinnaanngippata, sanaartuk-katut pigisaq nalikilliliiffigineqassaaq imaalillugu, tunisinermi akip matussuserneqarsinnaanngitsup procentinngornera atorlugu.

Naatsorsueriaaseq ukiumoortumik naatsorsuutini immikkoortumi naatsorsuuserinermi periuseq atorneqartup ataani allaaserineqarpoq.

Nalikilliliinissamut pisariaqartitsineq aallaaviatigut siunissami aningaasat kaaviiartitat maannakkumut kaaviiartitat nalingattut naleqartillugit sanaartukkatigut pigisat sinneruttumik nalingannut sanilliullugit naatsorsorneqartarput. Naatsorsueriaaseq taanna atorlugu suliffeqarfimmi namminermi erniatut atuuttoq naatsorsuutitut ilanngunneqassaaq – erniaq taanna amerlasuutigut avataani aningaasaateqarfiit ernialiuttagaannut assingusarpoq.

Periaatsip Nukissiorfinnit atorneqartup allaanerussutigaa, nalikilliliinissamut pisariaqartitsineq naatsorsorneqartarmat isertitat aamma aningaasartuutit katinnerat pinnagit, assigiimmilli akeqartitsineq aallaavigineqartarluni. Periaatsip ilanngullugu allaanerussutigaa, aningaasat nalikilliarternat/erniat ilanngunneqartannginnerat.

Periaatsikkut akigititanik ingerlaavartumik qaffaasoqarsinnaanera periarfissaqartinneqarpoq, taamaaliornermi minnerpaamik aningaasat nalikilliarternat aallaavigineqartarpoq. Periarfissaq taanna atorneqanngippat, taava nalikilliliinissamut periarfissaq – qanorluunniit tamatigut naatsorsukkanit qaffasinnerusarpoq.

3.4.1.2. Sanaartukkat suliarineqartut

ASanaartukkat suliarineqartut ullormi 31.12.2024-mi 107 mio. kr.-it missaannik naleqarput. (2023: 36 mio. kr.-it.)

Sanaartukkat suliarineqartut nalikilliliineq sioqqullugu 279 mio. kr.-nik naleqartutut naatsorsor-neqarput. (2023: 219 mio. kr.-it.)

Sanaartukkat taakkua ilaat inoqarfinni pilersinneqassapput, taakkunani aatsaat piffissaq pigisap atorneqalerfianit nalikilliliinissamut pisariaqartitsinermik misiliineq qularnanngitsumik aatsaat ilanngunneqassaaq.

Taamaattumik 2021 aallarnerfigalugu nalikilliliinerit ingerlanneqartalerput sanaartukkat naammassineqarsimasut nalikilliniissaattut naatsorsuutigisaasumut assingusumik. Nalikilliliinerit taakkua 2024-mi 123 mio. kr.-it missaannik naleqarput. (2023: 90 mio. kr.-it)

3.4.1.3. Pilertortumik pisariaqartitsineq

Nukissiorfiit aningaasaleeqqinnissamut kinguaattoorutit 2019-imi 2,4 mia. kr.-inut naatsorsorpai. Atortut ukiut arlaqanngitsut iluanni taarserneqartariaqartut allattorsimaffiat tunngavigalugu naatsorsuisoqarpoq.

Nukissiorfiit naatsorsuinerannut toqqammavigineqartoq misissorparput allatullu nalilersuisoqarnissaanut tunngavissaqartitsinata, oqaatigineqassarli tamatumunga atatillugu tamatuma teknikkikut nalilersuineramik suliaqannginnatta.

Kinguaattoorutinit allattorsimaffik kingornatigut nalilersuiffiqqinneqarsimavoq taakkulu angummanniarfiginissaanut pilersaarummik ukiunut qulinut atuuttussamik suliaqartoqarsimalluni.

3.4.2. Kaaviiaartitat

Innaallagissamik, imermik kiassarnermillu tunisaqarnermit isertitat Kamstrup-systemet aqutiga-lugu atuaanermik digitaliusumit tunngaveqarput.

Taamatut aaqqissuussinikkut uuttuutit piffissaq eqqorlugu aallartinneqarnerat unitsinneqarnerallu tunngavigineqarpoq – uuttuutillu aallartinneqartut paasissutissanik uppersussilinnik "katersif-finnut" nassiuissuisarput, tassannga paasissutissat Kamstrup-systemimut ingerlateqqinne-qartarlutik.

Ingerlatseriaatsimi tassani nakkutilliissutit arlallit ilaapput, uuttuutinit paasissutissat pissarsiarine-qanngitsoortut ingerlatsinerni tulluuttuni katersorneqartarannik aamma/imaluunniit nalingin-naasumik atuinermit nikingassutit uuttortarneqarsinnaanerannut qulakkeerinnissutaasut.

2021-mi suliniut "revenue-leak" ("isertitassaagaluit kuuffiat") aallartinneqarnikuuvoq sulilu ingerlalluni, tassunga siunertaavoq paasissutissat pitsaassusiannik qaffassaanissaq aamma taamaattumik isertitassanut akiligassiinissamut tunngavissaqarnissamut iluaqutissaq.

Suliffeqarfimmi sulii aaqqissuussamik pilersitsisoqarsimanngilaq inoqarfinni tamani nungujartor-nerup/ledningikkut annaasaqarnerup naatsorsorneqarneranut atugassamik, naatsorsueriaatsimi taamaattumi pilersinneqartut annertussusiat aningaasaliissutinit atukkanut sanilliunneqartassa-galuarput. Taamaattoq malugineqarpoq 2024-mi Nukissiorfiit suliniummik aallartitsimmata, naatsor-suinermut tassunga paasissutissanik naapertuuttunik uppersussilinnillu katersisarnissamut atugassamik ukkataqartussamik.

Taamatut naatsorsuinikkut pilersinneqartut aamma pilersinneqartut akiligassartaasa anner-tussusiisa akornanni ataqatigiinnerit pitsanngorsarannik tunngavissat uppersaataatissaat iluaquserneqassapput. Saniatigut naatsorsuineq nakkutilliinermik suliamut pitsanngorsaaqa-taassaaq, isertitassatut pisassarisat tamarmik akileqquneqarnerannik nakkutilliinermut aamma piffissami naatsorsuuseriffimmi eqqortumi naatsorsuuserinermik ingerlatsiffiqqarneqarannut.

Inassuteqaat

Inassutigissavarput tunisassiat annertussusiannut paasissutissatut tunngavissaq pisariaqartoq pigineqaleqqullugu naatsorsuuseriaatsimik suliaqarneq sukateriffiqqineqassasoq, taamaaliornikkut siunissami periarfissaalissammat nungujartornerup/ledningikkut annaasaqarnerup ataavarnerusumik nalunaarsorneqarsinnaanera.

3.4.2.1. Kaaviiartitat missingersuilluni naatsorsorneqarnerat

Uuttuutit amerlanngitsut ulloq 31.12 aamma ukiup ingerlanerani uuttortaanngitsoortarput. Tamanna isumaqarpoq akiligassiinermik immikkoortortaqaqfiup akiligassiinermini atuinnermit paasissutissat aallaavissatut pigineq ajorai. Taamatut pisoqartillugu, atuisut siusinnerusukkut atukkatik aallaavigalugit akiligassinneqartarput. Taamaattumik uuttuutinit kaaviiartitanik naatsorsuinerimi missingersuilluni naatsorsuineq ilaavoq, uuttortaanngitsoortoqaqarneranik eqqorneqarsimasunut tunngasumik aamma piffissami naatsorsuuseriffiusumi Nukissiorfiit ungasianit atuaanermik ingerlatsisinnaasimatinnagu atorneqartartoq. Taamaattoq atuisut tulliani akiligassiinerimi aaqqiiffigineqartarput, uuttuut atugavinnik piviusunik atuaasinnaaleqqissimatillugu.

Taamaattoq pissutsit taakkua 2024-mut ukiumoortumik naatsorsuutitut annertunerusumik sunniuteqanngillat.

3.5. Aqutsisut naatsorsuutininik uppersarsaanerat aamma ukiumoortumik naatsorsuutini kukkunerit iluarsineqanngitsut

Kukkunersuineq pillugu nunani tamalaani malitassat naapertorlugit pissutsit ukiumoortumik nalunaarummi iluarsineqarsimanngitsut suussusersisavut ilisimatitsissutigisussaavagut.

2024-mi naatsorsuutininik saqqummiussinnermut atasumik pissutsinik pingaarutilinnik ukiumoortumik nalunaarummut ilanngunneqarsimasariaqaraluartumik paasisaqanngilagut.

Suliassaqarfinnik kukkunersioruminaatsunik kukkunersuinnermut atasumik ukiumoortumik naatsorsuuseriffiusumut 2024-mut pisortaqatigiit naatsorsuutitut uppersarsaammik uagutsinnut tunniussipput.

3.6. Sillimmasersimanermut tunngasut

Uagut kukkunersuunittinni suliffeqarfiup sillimmasersimaneranut tunngasut ilanngunneqanngillat.

Ilisimavarput Nukissiorfiit Namminersorlutik Oqartussat nammineq sillimmasersimanermut aqqis-suussaata iluani ilaatinneqartoq.

Paasineqarpoq Nukissiorfiit minnerpaamik ukiumut ataasiarluni sillimmasersimanerup katinnera sillimmasiisarfik imaluunniit isumaqatigiinniartartoq peqatigalugu nakkutillii figisaqqullugu sillimmasiinerit il.il. naliliiffigisinnaajumallugit, tassunga ilanngullugu sillimmasiinerit naammattuunerat aamma suliassaqarfiit immikkut ittut pillugit suliffeqarfiup sillimmasiinissaminut amigaateqarsinnaanera nakkutillii figisinnaaqqullugu.

Naatsorsuutini naammassinninnermut atasumik ulluinnarni aqutisunit uppersaqqarput, suliffeqarfimmut pissutsit atuuttut eqqarsaatigalugit, suliffeqarfimmi ajoqusertoqarsinnaaneranut matussusiinnaasutut missiliussineq naapertorlugu sillimmasiinerup pilersinneqarsimanera.

4. Inatsisit atuutsinneqarneran-nik aamma ingerlatsinermik kukkunersiuineq

Inatsisit atuutsinneqarnerannik kukkunersiuinermi inatsit, malittarisassat aamma nalinginnaasumik ileqqut malinneqarnerat misilerarneqartarpoq.

Pisortat kukkunersiorneqartarneranni malittarisassat (SOR) naapertorlugit pisussaaffinnik kukkunersiuineq ingerlanneqarsinnaavoq kukkunersiorneqartussat kaaviiartumik pilersaaruarineqarnerat naapertorlugu, taamaaliornikkut kukkunersiorneqartussatut pisussaaffittallit ukiut tallimat qangiukkaangata misissorneqartarput.

Aarlerinaatinik aamma pingaarutilinnik naliliinerput tunngavigalugu kukkunersiorneqartartussatut kaaviiartussanut pilersaarummik tulluuttumik suliaqarpugut

Sammissassanut pilersaarut / sammisat	Kingullermik misissuineq	2020	2021	2022	2023	2024
Pisiniarnerit naammassineqartut *	2024	(X)	X	(X)	(X)	X
Akissarsialerinermi atorfinitsitsinermilu aalajangersakkat malittarineqartussat *	2024	X	X	X	X	X
Tunisinermi malittarisassat misissorneqarnerat*	2024	X	X	X	X	X

* SOR naapertorlugu sammisanut pilersaarut. Iliuserisanik itisiliineq ukiumit ukiumut nikerarsinnaavoq, taanna nalunaaqutserneqarpoq (x).

Sammissaq toqqarneqarsimappat (ungaluuteqanngilaq), pingaaruteqarnera- aamma aarlerinaateqarnera tunngavigalugu toqqaasoqassaaq taassumalu iluani pingaarnersiorneqarsimasut nakkutilliffigineqarlutik.

Sammissanik naapertuuttunik nakkutilliilluta misissuinitinnit maluginiakkavut ataani allaaserineqarput. Sammisat arlallit ataatsikkut suliarineqarput, inatsisit atuutsinneqarnerannik aamma ingerlatsinermik kukkunersiuinermi iliuuserisat arlallit imminnut qalleraannerat pissutigalugu.

4.1. Killiliineq

Inatsisit atuutsinneqarnerannik kukkunersiuineq ukiumoortumik naatsorsuutunut attuumassutilik siullertut pingaarnertullu aaqqissuussat aamma ingerlatseriaatsit pilersinneqarsimasut nakkutilliffigineqarnerannik ingerlatsineruvoq.

Suliassaqaqfinnik misissugassanik tigusisarluta nakkutilliinernik ataasiakkaanik ingerlatsivugut, ilaatigut suliassaqaqfinni suleriaatsit misillittarumallugit, aammali suliani toqqakkani inatsit malittarisassallu eqquutsinneqarnerat nakkutilliffigiumallugit.

Inatsisinik malittarisassanillu eqquutitsinermut inerniliussagut taamaallaat sulianut nakkutilliiffineqartunut tunngassuteqarput.

4.2. Nakkutilliinermik suliassaqarfik

Inatsisit, malittarisassat, isumaqatigiissutit atuuttut aamma ingerlatsinermi periutsit nalinginnaasut nakkutilliinermik ingerlatsiffineqarnerat ilaatigut tulluuttunik imaqarpoq:

- Inatsisit malittarisassat il.il. sulinermi najoqqutarineqartut tamakkiisumik paasineqarsimanerat
- Ingerlatsinermi kukkunernut amigaatinullu aarlerinaammik ilisimaarinninneq aalajangiussaqaarsimanerlu
- Inatsisit malittarisassat il.il. eqquutsinneqarnissaannut qulakkeerinnissutaasunik ingerlatseriaatsinik naapertuuttunik pilersitsineq
- "Qullersat nipaasat" aamma ingerlatseriaatsit pilersinneqarsimasut kissaatigisatut sunniuteqarnerannik malittarinneq

Inatsisit malittarisassat il.il. eqquutsinneqarnerannut aqutsisut akisussaasuupput.

4.3. Neqerooruteqartitsinermi malittarisassanik pisiniartarnermilu politikkinik eqquutsitsinerit

Siunertaq

Siunertaavoq nalilissallugu, Nukissiorfiit suleriaatsinik aamma nammineq nakkutilliinermik naleq-quttunik aqqissuussisimanersoq, pisortat pisiniartarneranni najoqqutassanik Nukissiorfiit malinninneranut qulakkeerinnissutaasunik.

Annertussuseq

Nukissiorfiit suli pisiniartarnermut politikkimik aamma neqerooruteqartitsinermik siunnerfimmik pilersaarusiormik suliamik ingerlatsivoq, taakkua pisiniartarnermik ingerlatsivimmi sipaarniar-sinnaanermut tapertaassapput aamma neqerooruteqartitsinermik inatsimmik eqquutsitsillutik. Saniatigut suli sinaakkutissatut isumaqatigiissutit atorneqarput amerlasuunik pisinermi sipaarutaasinnaasunik aamma suleqatigiinnermi iluaqutissanik pissarsisinnaajumalluni.

2024-mi pisiniartarnermik suliassaqaarfiup pitsanngorsarneranik suliaq najukkani atuartitsinermik sanilerisamillu ilinniartitsinikkut nangeqqinneqarpoq.

Paasisat

Pisiniartarnermut quppersakkamut ilassutitut prokuramik ingerlatsisarnermut nassuiaammik ukioq manna atulersitsisoqarpoq. Tunngavissat atorneqartut pingaarnert pisiniartarnerup illersorneqarsinnaasumik aqunneqarnissaanik politikkinillu eqquutsitsinissamik tapersersuipput.

Inassuteqaat
Pisiniartarnermut politikkip tamakkiisumik nutarterneqarsimannginnera pissutigalugu Nukissiorfiit pisiniartarnermut politikkiata tamatumunnga nalunaarutitut atuuttunut naapertuutingeratarsinnaanerata aarlerinaateqarneranik annertunerulersitsivoq. Taamaattumillu innersuussutigaarput pisiniartarnermut najoqqutassaq nutarterneqassasooq nalunaarutitut atuuttunut naapertuuttunngorlugu aammalu malinnaatinneqarnissaa qulakkeerniarlugu aalajangersimasumik ingerlaavartumillu suleriaaseqartassasooq

4.4. Akissarsialerinermit atorfinitsitsinermilu aalajangersakkat malittarineqartussat

F Siunertaq

Inatsisit atuutsinneqarnerannik suliassaqaarfimmi kukkunersiuinermit siunertaavoq, akissarsiatut tunniussani inatsisinik malittarinnginnernik malunnaatilinnik paasineqarsimanngitsunillu (tassa kukkunernik malunnaatilinnik) pisoqarsimasinnaaneranut qaffasissumik pitsaassusilimmik qulaarsineq.

Saniatigut nalinerneqassaaq Nukissiorfiit suliassaqaarfirmik inatsisitigut pisussaaffiit naapertorlugit ingerlatsinersut, ilanngullugu pilersaarusiukkanik iliuusissaqartarnej, taamaaliorluni qulakkeerneqatqullugu, akissarsiat ilaat nikerarsinnaasut akuerineqartartut aamma periutsit nalinginnaasut malinninneqartut.

Annertussuseq

Akissarsianut- aamma atorfilinnut aaqqissuussanik kukkunersiuinermit ingerlatseriaatsit tulluuttut nakkutilliiffineqarput:

1. Akissarsialerissummi akissarsiassat qaffasissusissaattut nalunaarsukkat isumaqatigiissutit naapertorlugit akissarsiarineqartussanut malinnaatinneqartuarnerannik suliat.
2. Sulisunik nutaanik atorfinitsitsineq aamma ilitsersuineq, ilanngullugu atorfirmut uppersaaneq, ilinniarsimaneq aamma isumaqatigiissut atorneqartoq, kiisalu atorfeqarsimanerup sivilissusianut uppersaatit piginnaassutsinullu tapisiaassat.
3. Akissarsianik nikerartunik allaffissornermik ingerlatsineq, ilanngullugit qaangiuttoornerit, ataasiartamik akissaatersuutit, tapit suliamut tunngasut, akunnermusiat il.il.
4. Pisortatut oqartussaaffeqartunut nalunaarutiginninnerit kiisalu piffissaq eqqorlugu aningaasanik tunniunneqanngitsunik tunniussuineq.

5. Soraartoqarnerani suliassat, ilanngullugit akissarsianik piffissaatillugu unitsitsineq kiisalu soraarnermut tunngasunik allaffissornermik ingerlatsineq.

Paasisat

Uagut naliliivugut ingerlatseriaatsit aaqqissuussat nassataannik akissarsianik suliassaqaarfimmik allaffissornermik ingerlatsineq illersorneqarsinnaasoq. Taassuma ataani akissarsiat allagartaannik misissugassanik tiguisarluni nakkutilliinermik ingerlatsisoqartartoq.

Naliliivugut Nukissiorfiit nalinginnaasumik suleriaatsinik pilersitsisimasoq akissarsiat inatsisit, isumaqatigiissutit aamma peqqussutit atuuttut (suliamik ingerlatsinerpiaq) naapertorlugit ingerlatsisut.

Inassuteqaat
Taamaattoq uagut naliliivugut, pitsaassutsimik qulakkeerinninneq pitsanngorsarneqarsinnaasoq, sulisunut mappini uppersaatsit tamakkiineruppata aamma ataavannerusumik aqutsisunit nakkutilliiffigineqarlutik uppersarneqartarpata – assersuutigalugu sulisut pillugit sulianik nutaanik tiguisarluni misissuisoqartarpata, atorfinitsitsinerit ilusaat aamma uppersaanissamut piumasaqaatit pigineqarnerat qulaakkeerniarlugit.

Sulianik ataasiakkaanik misissuinnermut atatillugu paasivarput akissarsitsisoqartartoq akissaatitigut isumaqatigiissutinut atuuttunut naapertuutinngitsumik. Pissutsit taakkua pillugit akissarsialeriffik oqaloqatigineqarpoq, akigititat nutarterneqarnerat tassannga isumagineqartarmata. Iisimatitsippat akigititat nutarterneqannginnerat kukkunerusoq.

Inassuteqaat
Inassutigissavarput akissarsialerinnermut systemimi akissarsianut paasissutissanik allattuinnermi marloriarluni akuersissuteqartassasoq. Suliffeqarfiup paasissutissiissutigaa akissarsialerinnermut systemimi akigititanut nalunaarsuiffimmi allannguutininik nakkutillineq ingerlanneqartartoq.
Nakkutilliinerli taanna uppersaasiorneqarsimanngilaq. Nakkutilliinerup uppersaasiorneqartalernissaa inassutigaarput.

Sulisunut ataasiakkaanut immikkut isumaqatigiissutinik atuinermut tunngatillugu allannguuteqarneranilu paasisaqartoqanngilaq.

4.5. Tunisinermi malittarisassatut tunngavissamik eqquutsitsineq naatsorsuutigineqarsinnaasutullu ingerlanneqarnera

Siunertaq

Tunisaqarneq pillugu inatsisit atuutsinneqarnerannik kukkunersiuneq tassaavoq, tunisaqarneq pillugu najoqqutassat aamma akigititat politikikkut aalajangiussanut tunngasuni nikingasoorutini pingaarutilinnik aamma paasineqanngitsoorsimasunik peqarsinnaaneranut isumannaallisaaneq qaffasissumik pitsaassusilik.

Paasisat

Paasivarput Nukissiorfiit tunisaqarnermi najoqqutassat politikikkut aalajangiussat naapertorlugit ingerlatsisoq, tassunga ilanngullugu akigititat inatsisitigut aalajangersakkat tunngavigalugit akiligassiisartoq. Paasineqarporli Business Partnerit akigititanik atuuttunik, qaammatit tamaasa atuinnermut akiligassiissusiormut aappasaanillu akuerineqartartunik assigusumilluunniit nakkutigineqartartunik tunngavigineqartartunik Xellentimi naqqiisnaasut.

Inassuteqaat

Taamatut aaqquissuussisoqarsimanera siunertarineqartumik imaluunniit siunertarineqanngitsumik annikippallaamik imaluunniit annertuallaamik kaaviiartitaqarnermut akiligassiisuteqartoqarsinnaanerata aarlerinaataanik annertunerulersitsivoq akiligassiissusiortarnerup akigititanik kukkusunik imaqaarnerata malitsigisaanik.

Taamaattumillu innersuussutigaarput akigititanik allannguinnermut log-inik ingerlaavartumik misissuisoqartassasoq, taakkulu akigititanut akuerineqartunut naapertuunnerinik nakkutilliisoqartassasoq imaluunniit akigititat systemikkut parnaarneqassasut aatsaallu marluutilluni allanngortinneqarsinnaasassasut.

2024-mut ukiumoortumik naatsorsuutini kukkunersiinnermut atasumik 2024-mi agguataarinermut naatsorsuutit kukkunersiinnerneqarnerannik aamma ingerlatsivugut.

Taakkuninnga kukkunersiinnermut atasumik paasivarput, nalunaarut atorineqartussa q naapertorlugu aalajangiussanut marlunnut atasumik nikingasoqartoq. Siullertut, nalikilliliineq eqqarsaatiginagu pigiunnaakkatut naatsorsukkat siulliit ingerlanneqarsimapput, nalunaarummi innersuussutigineqartoq ukiumoortumik pigiunnaakkat- aamma nalikilliliinerit katinnerat naatsorsuutitut ilanngunneqartassasoq. Aappaattut, akigititat akikilliliissutaat taarsiutaasussat nalingat ilanngullugu kisinneqarsimavoq, nalunaarummi innersuussutigineqartoq Namminersorlutik Oqartussanit tapiissutit naatsorsuinnernut ilanngunneqartassanngitsut.

Ilisimaarinnilluni aalajangiinnerit pineqarput, tassa aalisakkerinnermi akigititat naatsorsorneqarneranni aalakkanerusumik aamma eqqortumik tunngavissaqarumalluni aalajangiisoqarsimanerani ersersitsisut. Nikingassutit naapertuunnerat isumaqatigiissutigineqarpata sukkarnerpaamik tassunga

malittarisassatut tunngavissaq naleqqussarneqartariaqarpoq, taamaaliornikkut malittarisassat aamma periutsit atorneqartorpiaat akornanni naapertuuttumik ingerlatsisoqaqqullugu.

4.6. O Tapiissutit pillugit malittarisassanik, attartorneq pillugu nalunaarummik il.il. eqquutsitsineq

Siunertaq

Kiffartuussinissamik isumaqatigiissutit atorlugit tapiissutinik pissarsisoqartarpoq. Taakkua tiguneqartarput assigiimmik akeqartitsinermik politikkip sunniutaat ingalassimatinniarlugit.

Tapiissutit Aningaasanut Inatsimmi aalajangersarneqartarput ukiumoortumillu misissorneqartarlutik. Kaaviiartitsinermi eqqortumik naatsorsorneqarsimanerat nakkutigineqartarpoq.

Paasisat

Paasivarput Nukissiorfiit tapiissutitut tigusaminnik malittarisassat inatsisillu atuuttut naapertorlugit suliarinnittartut.

4.7. Siulersuisut

Inatsisartut inatsisaat nr. 21, 21. novembari 2022-meersoq naapertorlugu atuarneqarsinnaavoq Nukissiorfiit siulersuisunit aqunneqartoq. Siulersuisunik taama ittunik sulii pilersitsisoqarsimanngilaq.

5. Ingerlatsinermik kukkuner-siuneq

Ingerlatsinermik kukkuner-siuner-mi misilerarneqartarpoq ingerlatsineq aningaasaqarnikkut isumatusaarluni ingerlanneqarsimanera.

Pisortat kukkuner-siunerneqarnerannut najoqqutassat, SOR, naapertorlugu pisussaaffinnik kukkuner-siuneq ingerlanneqarsinnaavoq kukkuner-siunerneqartussat kaavii-aartumik pilersaaruar-siarineqarsimanerat naapertorlugu, taamaaliornikkut kukkuner-siugassatut pisussaaffittallit ukiut tallimat qaangiukkaangata misissorneqartarput.

Aarlerinaatinik aamma pingaarutilinnik naliliinerput tunngavigalugu kukkuner-siunerneqartartussatut kaavii-aartussanut pilersaarummik tulliuuttumik suliaqarpugut

Sammisanut pilersaarut / sammisat	Kingullermik misissuineq	2020	2021	2022	2023	2024
Sammisanik aamma nukissanik aqutsineq *	2024	(X)	X	(X)	(X)	X
Anguniakkanik aamma angusanik aqutsineq *	2023	X	(X)	(X)	X	(X)
Pisiniartarnermik aqutsineq *	2024	(X)	X	(X)	(X)	X
Ukiuni arlalinni suliniutit aningaasaliiffigineqartut missingersuutaannik aqutsineq *	2022	(X)	X	X	(X)	(X)

* SOR naapertorlugu sammisanut pilersaarut. Iliuserisanik itisiliineq ukiumit ukiumut nikerarsinnaavoq, taanna nalunaaqutserneqarpoq (x).

Sammisaq toqqarneqarsimappat (ungaluuteqanngilaq), pingaaruteqarnera- aamma aarlerinaateqarnera tunngavigalugu toqqaasoqassaaq taassumalu iluani pingaarnersiorneqarsimasut nakkutilliiffigineqarlutik.

5.1. Killiliineq

Ukiu-moortumik naatsorsuutitut atasumik ingerlatsinermik kukkuner-siuner-mi pingaarnertut nakkutilliiffigineqarput aqqissuussat ingerlatseriaatsillu pioreersut.

Suliamut tassunga atasumik pissutsinik nalunaarusiornermut naapertuuttunik paasisaqassagutta aamma/imaluunniit aningaasaqarnermik kiisalu ingerlatsinermik kukkuner-siuner-mut pissutsinik attuumassuteqartunik paasisaqassagutta nalunaarusiami matumani ilanngunneqassapput.

5.2. Nakkutilliinermik suliassa-qarfik

Nakkutilliinermik suliassa-qarfimmi ileqqaarsinnaassuseqarneq, pilersitsineq aamma pitsaasumik ingerlatsinerup qulakkeerneqarnerannut suliat ilaatigut makkuupput:

- Ingerlatsinermut nukissat atorneqartut naapertuuttuunerat/pitsaassusiat aamma akingi pitsaanerpaamik ata-qatigiissinneqarnerannik nalilersuiuarnerit

- Nukissat aamma sammisat (sammisat assingusut nukissanik ikinnerusunik atuilluni anguneqarsinnaappat) pitsaanerpaamik ataqatigiinnerannik nalilersuiuarnerit

Kisaatigisatut sunniutit piviusunngortinnerannik suliniutit pitsaanerpaajunerannik (nukissanik annikinnerusunik atuilluni suliniuteqarnermik ingerlatsisoqartuuppat sunniut assingusoq pisarsiarineqarsimassagaluarpa) nalilersuiuarnerit

5.3. Sammisanik aamma nukissanik aqutsineq

Siunertaq

Siunertaavoq nalilissallugu, suliffeqarfik suleriaatsinik aamma nammineq nakkutilliinernik naleqquttunik pilersitsisimanersoq, taakkua qulakkeerinnissutaassapput, sulianik- aamma nukissanik aqutsinermut tunngasumik, aqutsisut paasissutissanik naammattunik aamma uppersassuseqartunik piffissaq eqqorlugu aalajangiinernik tunngavilersorluakkanik aalajangiinissaannut atugassanik.

Annertussuseq

Kukkunersuiunermi nakkutilliiffineqarpoq aningaasaqarnermik aqutsinermi suleriaatsit aamma nakkutilliissutit, ilanngullugu aqutsisutut qullersaasunut nalunaarutiginninnermik ingerlatseriaatsit, aamma taassuma nalunaarsorneqarsimasunut naapertuuttuunera. Nakkutilliinermi suliffeqarfimmi ingerlatsinermut atasumik aalajangiinerit nalilerneqarnerannik suliaqartoqanngilaq, paasissutissatut tigusaqartut naapertorlugu aalajangiinernik ingerlanneqarsimasinnaasunik.

Nakkutilliineq nalinginnaasumik imannak agguataarneqartarpoq:

- Aqutsinermi tunngavik
- Aqutsinermi ingerlatseriaatsit
- Naliliineq/nalunaarutiginninneq

Tassunga atasumik maluginiarparput ingerlatsivik:

- Missingersuutitut ilusissamik peqartoq (qaammatini 18-ini missingersuutit ingerlaavartut, ilanngullugu AI teknologiimik atuineq)
- Pilersuinerimik pilersaarusiorneq ingerlaavartumik aqqissuussaasoq
- Sulisussarsiornermik- aamma pisiniartarnermik ingerlatseriaatsit pilersinneqarsimasut
- Naatsorsuuserinermik ingerlatsivimmik ingerlalluurtumik pilersitsisimaneq
- Ingerlatsinerup nakkutilliiffineqarneranik atuuffimmik ingerlalluurtumik pilersitsisimaneq
- Qaammatikkuutaartumik- soorluttaaq kvartalikkutaartumik nalunaarusianik ingerlaavartunik suliaqartuarneq

- Naalakkersuisoqarfimmut nalunaarutiginninnernut periuseqarneq, ilanngullugu ataatsimiinnerit imaqarniliorneqarnerat taakkunani ingerlatsiviup aningaasaqarnera pillugu naalakkersuisoqarfiup aamma pisortaqtigiit oqaloqatigiinnerat ersersinneqartarpoq
- Ingerlatsinerup pitsanngorsarnerata ilaatut ingerlatsivik paasiniaanernik ingerlatsiuarpoq

Paasisat

Nukissiorfiit aningaasaqarnermik aqutsinerata nakkutilliiffiginerani paasivarput, nunap immikkoortuinut, nunaqarfinnut, immikkoortortanut il.il. missingersuutit erseqqissaatitallit suliarineqartartut.

Missingersuutiniq malitseqartitsinerit qaammatikkuutaartumik suliarineqartarput missingersuutit aamma piviusut akornanni nikingasoqartillugu malitseqartinneqartunik, taakkua aqutsisunit misissorneqartarput.

Missingersuutiniq malitseqartitsineq taanna naalakkersuisoqarfimmut naammassinnilluni nalunaarutiginninnermi ilanngunneqartarpoq, taakkua taamaalillutik Nukissiorfinni aningaasaqarnermik angusanillu aqutsinermik nakkutilliisarput.

Uagut nalinginnaasumik naliliivugut aaqqissuussat pilersinneqarsimasut (suliffeqarfik, ingerlatseriaatsit, sakkussat il.il.) suliffeqarfiup suliassaminik ineriartormik pitsanngorsaannermillu ataavartumik suliaqarneranut tapertaasut.

5.4. Anguniakkanik aamma angusanik aqutsineq

Siunertaq

Siunertaavoq nalilissallugu suliffeqarfimmi suleriaatsinik aamma nammineq nakkutilliinernik naleqquttunik pilersitsisoqarsimanera, sulianik- aamma nukissanik aqutsinermut atasumik aqutsisut naammattunik aamma eqqortunik paasissutissaqarlutik aalajangiinernik tunngavilersorluagaasunik ingerlatsisinnaanerannut qulakkeerinnissutaasunik.

Annertussuseq

Suliffeqarfiup ingerlatanik pisuussusinillu nalilinnik aqutsinerata ataani aningaasaqarnermik aqutsineq misissorparput, tassunga ilanngullugit missingersuusiorneq missingersuutinullu malitsineqartitsineq. Aammattaaq suliffeqarfiup nammineq nakkutilliinermut aaqqissuussinera pingaarnersoq misissorneqarpoq.

Paasisat

Nukissiorfiit aningaasaqarnermik aqutsinerata nakkutilliiffiginerani paasivarput, nunap immikkoortuinut, nunaqarfinnut, immikkoortortanut il.il. missingersuutit erseqqissaatitallit suliarineqartartut, aamma missingersuutiniq malitseqartitsinerit qaammatikkuutaartumik suliarineqartarput missingersuutit aamma piviusut akornanni nikingasoqartillugu malitseqartinneqartunik, taakkua aqutsisunit misissorneqartarput Namminersorlutik Oqartussanut inaarutaasumik nalunaarutigineqannginnerat

sioqqullugu, taamaaliornikkut tassannga Nukissiorfiit aningaasaqarnerat- aamma angusanik aqutsinerat nakkutilliiffigineqartarpoq.

5.5. Pisiniartarnermik aqutsineq

Siunertaq

Siunertaavoq nalilissallugu, Nukissiorfiit suleriaatsinik aamma nammineq nakkutilliinernik naapertuuttunik aaqqissuussisimanera, qulakkeerinnissutaasunik, Namminersorlutik Oqartussat pisiniarnissamik isumaqatigiissutininik neqerooruteqartartoq aamma atorluaasoq taamaaliornikkullu akikilliliissutaasinnaasunik il.il. atorluaalluni.

Siunertaq

Kukkunersiuineq annermik ingerlanneqartarpoq tamanna pillugu aqutsisunik ingerlaavartumik oqaloqateqartarnikkut.

Paasisat

Inatsisit atuutsinneqarnerannik kukkunersiuinermi pisiniartarnek pillugu immikkoortoq matumani innersuussutigineqarpoq

5.6. Ukiuni arlalinni aningaasaliiffigisatut suliniutit missingersuutaannik aqutsineq

Siunertaq

Kukkunersiuinermi siunertaavoq suliniutit sivisunerusut missingersuutaasa aqunneqarnerannik qulakkeerinninneq, Nukissiorfiit sanaartornermik suliassaqaqfimmuut suleriaatsinik naleqquttunik atuutsitsinera, taamaalilluni sanaartukkatut suliani aningaasartuutit amerlavallaat imaluunniit pisariaqanngitsut pilersinnaanerannut aarlerinaatinik naaperiaaneq.

Annertussuseq

Suliffeqarfiup suliniutinut missingersuutininik aqutsinerani qulakkeerniarneqarpoq suliniutit aningaasaqarnerat ingerlaavartumik nakkutigineqartoq suliniutinut ataasiakkaanut tamanut immikkut missingersuutininik aqutsisoqarnera, missingersuutit atukkanut sanilliunneqartarput, ilanngullugu suliniutit killiffiinut tunngatillugu atukkanik assersuussinerit ingerlanneqarlutik. Missingersuutini nikingassutit, qaangiinerit imaluunniit aningaasaliinerit sanaartornermik suliassaqaqfimmi pisor-tamut nalunaarutigineqartarput.

Paasisat

Suli isumaqarpugut suliassaqaqfimmi suleriaatsit pitsaasut pigineqartut suliniutini illersorneqarsinnaasumik aqunneqartut.

6. Ingerlatsinermik kukkuner-siuinerit annertunerusut

2024-mi ingerlanerani ingerlatsinermik kukkunersiuinernik annertunerusunik ingerlatsisoqanngilaq.

7. Paasissutissat allat

Uagut kiffaanngissuseqarnerput tunngaviusumik aalajangiisuuvoq avatangiisitsinnit kukkunersiuisutut arlaannut pituttorsimanngitsutut sulinitta tatigineqarneranut. Taamaattumik tamanna illersugaraarput – inuttut aamma sulianut tunngatillugu.

Uagut ingerlatseriaatsitta qularnaarpaa kukkunersiuisoqatigiit suliffeqarfimmi kukkunersiukkatsinni aqutsinermik sulisunut inuttut attaveqartuunnginnerput.

Uagut ingerlatseriaatsitta aamma qularnaarpaa suliffeqarfik kukkunersiugarput sinnerlugu sulianik ingerlatsineq ajortugut uagut kiffaanngissuseqartuunitsinnut assortuussinnaasunik, tassunga ilanngullugu imminut kukkunersiornissamut aarlerinaatitaqarsinnaasunik imalinnik.

Immikkoortumi matumani suliffeqarfimmut suliassat sularisavut ilisimatitsissutigaaavut.

7.1. Suliffeqarfimmut suliassat allat

Ulloq apriliip qulingiluaani 2024-mi kukkunersiuisutut oqaaseqaammik tunniussinitta kingorna suliffeqarfimmut suliassat tulluuttut ingerlappavut:

- Nuna Greenimut tunngassuteqartunik eqqartueqatigiinnerit pillugit ikiuunneq
- Ingerlaavartumik siunnersuinerit tamalaat

8. Atsiornerit

Inatsisit naapertorlugit matumuuna uppersaatigissavarput inatsisini piumaqaataasutut kiffaanngissuseqartuunerput, aamma kukkunersiuinerup ingerlanerani paasissutissat qinnutigisimasinnaasavut tamaasa pissarsiarigatsigik.

Nuuk, ulloq 28.04.2025

Deloitte

Kukkunersiuinermut Ingerlatseqatigiiffik Naalagaaffimmit akuerisaq

Bo Colbe

Lars Hillebrand

Kukkunersuiisoq naalagaaffimmit akuerisaq

Kukkunersuiisoq naalagaaffimmit akuerisaq

Ataatsimiinnermi saqqummiunneqartoq ulloq 28.04.2025

Akuersissutigineqarpoq

Jørgen Torben Hammeken-Holm

Johan Danielsen

Naalakkersuisoqarfimmi pisortaq

Nukissiuuteqarnermut pisortaq

Om Deloitte

Deloitte leverer ydelser inden for Revision, Skat, Consulting og Financial Advisory til både offentlige og private virksomheder i en lang række brancher. Vores globale netværk med medlemsfirmaer i mere end 150 lande sikrer, at vi kan stille stærke kompetencer til rådighed og yde service af højeste kvalitet, når vi skal hjælpe vores kunder med at løse deres mest komplekse forretningsmæssige udfordringer. Deloitte's ca. 325.000 medarbejdere arbejder målrettet efter at sætte den højeste standard.

Deloitte Touche Tohmatsu Limited

Deloitte er en betegnelse for Deloitte Touche Tohmatsu Limited, der er et britisk selskab med begrænset ansvar, og dets netværk af medlemsfirmaer. Hvert medlemsfirma udgør en separat og uafhængig juridisk enhed. Vi henviser til www.deloitte.com/about for en udførlig beskrivelse af den juridiske struktur i Deloitte Touche Tohmatsu Limited og dets medlemsfirmaer.